

Turkiston

1925-yildan chiqqan boshlagan

«Kamolot» yoshlar ijtimoiy harakati Markaziy Kengashining nashri

www.turkiston.uz

2014-yil 2-iyul, chorshanba № 52 (15794)

Ўзбекистон Республикаси Президентининг
ҚАРОРИ

ЎЗБЕКИСТОН RESPUBLIKASI DAVLAT MUSTAQILLIGINING YIGIRMA UCH YILLIK BAYRAMIGA TAYERGARLIK KURI SH VA UNI UTQAZISH TUGRISIDA

Шу кунларда халқимиз Ватанамизнинг шонли тарихидаги буюк ва ўчмас санани — Ўзбекистон мустақиллигининг 23 йиллигини кенг нишонлаш учун катта тайёргарлик кўрмоқда. Ана шу улуг айёмни муносиб кутиб олиш ва ўтказиш мақсадида бугунги кунда олиб бораётган маънавий-маърифий фаолиятимизнинг асосий маъно-мазмунини аввало биз танлаган тараққиёт йўлининг ҳар томонлама тўғри ва ҳаётий йўл эканини, янги демократик давлат ва фуқаролик жамияти қуриш борасида биз эришган ютуқ ва марраларнинг моҳияти ва аҳамиятини юртимиз аҳолиси ва жаҳон жамоатчилигига етказиш, уларнинг қадр-қимматини чуқур англаш ташкил этиши даркор.

Шулар қаторида Ўзбекистонимиз барқарор суръатлар билан ўсиб бораётгани, қўлга киритган улкан натижаларимизни бутун дунё тан олаётгани, мамлакатимизнинг халқаро май-

донда обрў-эътибори ортиб, ўзига муносиб ўрин эгаллаб олаётганини кенг ёритиш, буютуқларнинг асосий омили ва мезонини биринчи навбатда халқимизнинг дунёқароши, одамларимизнинг сиёсий онги ва тафаккури ўзгартириб, фуқаролик фаоллиги тобора кучайиб бораётганида кўриш, ушбу ижтимоий-сиёсий жараёнларни ҳар томонлама асослаб бериш ва бир-бири билан узвий боғлиқ ҳолда таҳлил қилиш ўта муҳим аҳамиятга эга эканини таъкидлаш зарур.

Шу муносабат билан: 1. Ўзбекистон Республикаси давлат мустақиллигининг йигирма уч йиллик байрамига тайёргарлик кўриш ва уни ўтказиш бўйича Республика комиссиясининг таркиби иловага мувофиқ тасдиқлансин.

Республика комиссияси бир ҳафта муддатда «**Ягонасан, муқаддас Ватаним, севги ва садоқатим сенга бахшида, гўзал Ўзбекистоним!**» деган эзгу

ғояни ўзида мужассам этган ташкилий-амалий, маданий-маънавий ҳамда тарғибот-ташвиқот ишлари дастурини ишлаб чиқсин.

2. Қорақалпоғистон Республикаси Вазирлар Кенгаши, Тошкент шаҳар ва вилоятлар ҳокимликларига, Хотин-қизлар қўмитаси, «Камолот» ёшлар ижтимоий ҳаракати, «Нуроний» ва «Маҳалла» жамғармаларига Мустақиллик байрамининг йигирма уч йиллигини юксак савияда нишонлаш учун жойларда ҳудудий комиссиялар тузиш, Республика дастуридан ўрин оладиган тадбирлар режасини ишлаб чиқиш топширилсин.

3. Мазкур дастурни тузишда куйидаги устувор йўналишларга алоҳида эътибор қаратилсин: тарихан қисқа даврда биз қандай улкан ривожланишни йўлини босиб ўтганимизни баҳолашда «Ким эдигу ким бўлдик?» деган ҳаётий ҳақиқатни асосий ва бош ғоя сифатида белгилаш;

(Давоми 2-саҳифада)

ДАВЛАТИМИЗ ҚУДРАТИ ВА ХУРЛИГИМИЗ РАМЗИ

2 июль — Ўзбекистон Республикаси Давлат герби қабул қилинган кун

Давлат рамзлари эл-юртнинг ҳурлиги, миллий ғурур ва менталитети, шонли тарихи, маънавий-маданий бойлиги, урф-одат ва анъаналари, буюк мақсад ва эзгу орзу-интилишларини ўзида акс эттиради.

Истиклолга эришгач, мамлакатимиз ҳам ўз давлат рамзларига эга бўлди. Бугун Ўзбекистон ўз Байроғи, Герби, Мадҳияси ва Валютасига эга.

Давлатимиз гербида халқимизнинг тарихи, бугуни ва келажиги ўз аксини топган. Унда тасвирланган гуллаган водий узра нур сочаётган офтоб серкуёш юртимизга, ундаги обод манзилларга ишора. Баланд тоғлар оралаб оқаяётган дарёлар — ҳаёт боқийлиги тимсоли бўлса, гербнинг сўл томонидаги буғдой бошоқлари халқимизнинг ризқ-рўзи бутунлигидан, ўнг томонидаги қийғос



очилган ғўза ифодаланган чамбар халқимизнинг оппоқ орзулари, эзгу ниятларидан далолатдир. Гербнинг юқори қисмида элу юртимиз жипслигининг рамзи сифатида саккиз қиррали юлдуз тасвирланган.

(Давоми 2-саҳифада)



Рустам Назарматов олган сурат

Navqiron avlod so'zi

БУГУНГИ НАТИЖА — ЭРТАНГИ МУВАФФАҚИЯТЛАР ДЕБОЧАСИ

Барча соҳа вакиллари каби журналист ҳам халқ дарди билан яшайди. Шу боис, «журналист умрининг ярми элники, ярми йўлники» дейди кўпни кўрган устозларимиз. Мен ҳам ана шу соҳанинг бир томчиси эканлигимдан чексиз ифтихор туяман.

Бу фахр бугун дунёнинг ривожланган давлатлари қаторида турган она юртимиздаги тараққиёт сабаб янада мустаҳкам. Айниқса, мамлакатимизда ахборот соҳасини ислоҳ қилиш, сўз эркинлигини таъминлаш, ОАВнинг моддий-техник базасини бойитиш ва фаол журналистларни рағбатлантириш борасида амалга оширилаётган ислохотлар биз сингари ёшларга имконият эшикларини янада кенгрок очмоқда. Қалам аҳли учун нуфузли тадбирлардан бири ҳисобланган «Йилнинг энг фаол журналисти» кўриқ-танловининг республика босқичида эътибор ва рағбатга муносиб деб топилганим ана шу имкониятларнинг бир намунаси сифатида қалбимда муҳрланди.

Президентимизнинг 27 июнь — Матбуот ва оммавий ахборот воситалари ходимлари куниндаги йўллаган табриклари мен ва менинг касбдошларимни янада тўлқинлантирди. Юртбошимиз ўз табрикларида айтганларидек, бугунги мураккаб ва қалтис

замонда журналист масъулияти ниҳоятда муҳимдир. Элнинг дарди билан яшайдиган бу фидоий касб эгаларига ёшлигимдан ҳавас қилганман.

Талабалик барча учун изланиш ва ўрганиш фаслидир. Мен ҳам ана шу паллада қадриятларимизга ошно тутиндим ва «Қадриятлар гулшани» мавзуида илмий иш бошладим. Уни устозлар кўмагида «Тошкент» телерадиоканалидаги «Қадрият», «Дурдона» рункларига чиқадиган телекўрсатувлар орқали халқ эътиборига ҳавола этдик. 2009 йилдан Навоий вилоят телерадиоканалида 1-тоифали муҳаррир, «Фазо» телевидениесида 1-тоифали муҳаррир, Навоий маданият ва санъат коллежида саҳна нутқи фаолият ўқитувчиси, «Камолот» ёшлар ижтимоий ҳаракати Навоий вилоят кенгашида «Маънавий-маърифий лойиҳалар» бўлими мудири сифатида фаолият юритганман. Ҳозирда «Навоий ёшлари» газетаси масъул котибидан. Шу кунга қадар элликдан ортиқ миллий анъана-

ларни тарғиб этувчи, юзга яқин ижтимоий-сиёсий, танқидий-таҳлилий мавзулардаги кўрсатувларим эфир юзини кўрди. «Текиними, тўқиними?», «Синалмаганининг сиртидан ўтма», «Уя(т)ли телефон ўқувчига керакми?», «Сумалак сайли», «Тақиқларни тарқ этдинг ўзинг» сингари бир қатор мақолаларим республика ва вилоят нашрларида чоп этилган. Ёшлар билан «Оммавий маданият», «Бир таҳдидга беш зарба», «Соғлом турмуш тарафдоримиз» сингари мавзуларда ўттиздан ортиқ «Ток шоу» ва учрашувлар ўтказдим.

Бугунги муваффақият менга эртанги юксак парвозлар учун мустаҳкам қанот тутди. Шу лаҳзаларда қалбимдаги Ватанга муҳаббат, масъулият ҳисси билан уйғун ҳолда тўлқинланмоқда. Соҳадаги тетапояримиз рағбатга муносиб топилганидан миннатдорман. Мақсадим, юрт тинчлиги, халқ фаровонлиги, миллатлар бирдамлигини таъминлашга ўз ҳиссамни қўшиш, миллий қадрият ва анъаналаримиз жилосини жаҳон саҳнига олиб чиқаман. Токи унинг жилвасидан дунё хайратда қолсин!

**Дилдора КАТТАЕВА,
«Йилнинг энг фаол журналисти — 2013» республика танлови
ғолиби**

Ўзбекистон Республикаси Президентининг Қ А Р О Р И

ЎЗБЕКИСТОН РЕСПУБЛИКАСИ ДАВЛАТ МУСТАҚИЛЛИГИНИНГ ЙИГИРМА УЧ ЙИЛЛИК БАЙРАМИГА ТАЙЁРГАРЛИК КЎРИШ ВА УНИ ЎТКАЗИШ ТЎҒРИСИДА

(Давоми, аввали
1-саҳифада)

мамлакатимизнинг ўтган аср охирида кескин ижтимоий муаммолар гирдобига тушиб қолган, аҳолининг ҳаёт даражаси бўйича собиқ СССРда энг охириги ўринлардан бирини эгаллаган, пахта яккаҳоқимлиги ҳалокатли тус олган, иқтисодий бирёқлама ривожланган, қолоқ аграр республикадан бугунги кунда саноати тез суръатлар билан ўсиб, иқтисодий қудрати ва салоҳияти юксалиб бораётган замонавий давлатга айланганини очиб бериш. Бунинг тасдиғини мустақиллик йилларида Ўзбекистон иқтисодиёти 4,1 баробар, аҳолининг ялпи реал даромадлари жон бошига 8,2 карра ошгани, кейинги 9 йил давомида мамлакатимизда ялпи ички маҳсулотнинг ўсиш суръати 8 фоиздан кам бўлмасдан келаётгани ва бошқа шу каби рақам ва кўрсаткичлар мисолида қиёсий таҳлиллар орқали кўрсатиш;

юртимиз, шаҳар ва қишлоқларимиз қиёфаси йилдан-йилга очилиб, тобора обод ва гўзал бўлиб бораётгани, жумладан, аҳолимизнинг асосий қисми яшайдиган қишлоқ жойларда муносиб турмуш шароитини яратиш, намунавий лойиҳалар асосида уй-жойлар ва инфратузилма тармоқларини барпо этиш бўйича амалга оширилаётган дастурларнинг ижтимоий аҳамиятини ёритиш;

ҳеч шубҳасиз, вақт ўтиши билан тобора ёрқин намоён бўлаётган, биз биринчилар қаторида амалга оширган ва давом эттираётган, дунёда катта қизиқиш уйғотаётган Кадрлар тайёрлаш миллий дастури ва Мактаб таълими-

ни ривожлантириш умуммиллий дастури, бир сўз билан айтганда, таълим-тарбия соҳасига энг устувор аҳамият берганимиз мамлакатимизнинг катта суръатлар билан барқарор ривож топишида ва юртимизнинг дадил қадамлар билан илгарилаб боришида мустақам фундамент яратиб берганига алоҳида эътибор қаратиш;

биз учун ўта муҳим бўлган соғлиқни сақлаш, илм-фан, маданият ва санъат, спорт соҳаларида кўлга киритган ютуқ ва марраларимизнинг ҳаётий омилларини очиб бериш;

мустақилликнинг биринчи йилларидан бошлаб хотин-қизларга доимий эътибор ва ғамхўрлик кўрсатиш, уларнинг ҳуқуқ ва манфаатларини таъминлаш, оила ва жамият ҳаётидаги нуфузини ошириш, қобилият ва истеъдодини рўёбга чиқариш, оналик ва болаликни ҳимоя қилиш, айниқса, қиз болаларни замонавий билим ва касб-хунарларни эгаллаб, ҳаётда муносиб ўрин олиши учун амалга ошираётган кенг кўламли ишларимизни ҳаётий ва таъсирчан мисолларда ифода этиш;

бугун биз бошимиздан кечираётган ўта таҳликали ва қалтис замонда, ён-атрофимизда турли хавф-хатарлар кучайиб бораётган бир шароитда энг катта ва бебаҳо бойлигимиз бўлган тинчлик-осойишталикни кўз қорачиғидек сақлаш, миллатлар ва фуқаролар ўртасидаги дўстлик ва ҳамжиҳатлик, ўзаро ҳурмат ва меҳр-оқибат муҳитини янада мустақамлаш, доимо хушёр ва огоҳ бўлиб, тинчлик учун курашиб яшаш ҳал қилувчи аҳамиятга эга эканини чуқур акс эттириш;

Ўзбекистоннинг халқро майдонда олиб бораётган, яқин ва узоқ кўшнилари билан дўстона алоқалар, ўзаро ҳамкорлик муносабатларини ривожлантиришга қаратилган ташқи сиёсатини, дунёнинг турли минтақаларида юз бераётган қарама-қаршилик ва тўқнашувларни фақатгина сиёсий музокаралар, тинчлик йўли билан ҳал этиш бўйича ёндашув ва қарашларининг мазмун-моҳиятини кенг жамоатчиликка етказиш;

юқорида баён этилган беқиёс натижалар, Ватанимизнинг изчил ва барқарор тараққиёти негизда турган асосий омил ва мезонларни очиб бериш амалга ошириладиган барча ахборот-информацион ишларимизда, маънавий-маърифий учрашув ва мулоқотларда, жонли суҳбатларда катта ўрин тутиши лозим. Ушбу қарорнинг кириш қисмида қайд этилган фикр ва ғояларни чуқур маъноли, шу билан бирга, содда тилда ёритиш, одамларнинг қалби ва онгига сингдириш бу борада алоҳида аҳамият касб этиши табиийдир.

Мухтасар айтганда, биз мустақиллик йилларида қандай оғир ва машаққатли синовлардан ўтиб, мисли кўрилмаган ютуқларга эришган бўлсак, уларнинг барчаси замирида фақатгина халқимизнинг фидойи меҳнати, чидамлилиги, олижаноблиги ва бағрикенглиги, матонати ва жасорати, эртанги кунга мустақам ишончи мужассам эканини теран акс эттириш зарур.

4. Республика Маънавият ва маърифат кенгаши томонидан Қорақалпоғистон Республикаси, вилоятлар ҳамда Тошкент шаҳрида Мустақиллик байрамига бағишлаб

аҳолининг кенг қатламлари ўртасида маърифий учрашувлар, жонли мулоқот ва суҳбатлар, адабий-бадиий кечалар, маданий тадбирлар ўтказиш мақсадида таниқли олимлар, адиблар ва санъаткорлардан иборат маънавий-маърифий тарғибот гуруҳлари ташкил этилсин ҳамда уларнинг аниқ режа асосида фаолият олиб бориши таъминлансин.

5. Республика комиссияси ўз йиғилишларида белгиланган чора-тадбирлар марказда ва жойларда қандай амалга оширилаётгани юзасидан ҳар бир ҳудуд, вазирлик ва идора раҳбарлари ҳисоботини мунтазам равишда эшитиб борсин.

6. Тошкент шаҳрида, Қорақалпоғистон Республикаси ва вилоятларда ўтказиладиган байрам дастурларини тайёрлашга оммавий томошалар бўйича юксак маҳорат ва тажрибага эга бўлган мутахассислар — сценарист ва режиссёрлар, ёзувчи ва шоирлар, композитор ва балетмейстерлар, сахна рассомлари, истеъдодли ёш санъаткорлар вакиллари билан биргаликда юртимиз истиқлолини тараннум этишга қаратилган энг яхши кўшиқлар, мусиқа асарлари учун «Ягонасан, муқаддас Ватан!» анъанавий республика танловининг якуний босқичини ўтказсин. Танлов ғолиблари ва совриндорла-

7. Маданият ва спорт ишлари вазирлиги «Ўзбекнаво» эстрада бирлашмаси Ёзувчилар ва Бастакорлар уюшмалари билан биргаликда юртимиз истиқлолини тараннум этишга қаратилган энг яхши кўшиқлар, мусиқа асарлари учун «Ягонасан, муқаддас Ватан!» анъанавий республика танловининг якуний босқичини ўтказсин. Танлов ғолиблари ва совриндорла-

ри Мустақиллик байрами арафасида эълон қилинсин.

8. Ўзбекистон Матбуот ва ахборот агентлиги, Маданият ва спорт ишлари вазирлиги Ўзбекистон Ёзувчилар уюшмаси, Ўзбекистон Журналистлари ижодий уюшмаси, Бадиий академия, «Тасвирий ойна» уюшмаси ва бошқа тегишли ташкилотлар билан биргаликда август ойининг охирида «Энг улуғ, энг азиз», «Ватан учун яшайлик», «Сени куйлаймиз, замондош», «Ранглар жилосида — она диёр» каби кўриктанловларни юқори даражада ўтказишни таъминласин.

9. Белгилаб қўйилсинки, ўтказиладиган байрам тадбирлари:

Қорақалпоғистон Республикаси ва вилоятларда маҳаллий бюджетлар ҳамда хайрия маблағлари ҳисобидан;

Тошкент шаҳрида республика бюджети ва Тошкент шаҳар маҳаллий бюджети маблағлари ҳисобидан тенг улушларда қопланади.

10. Ўзбекистон Матбуот ва ахборот агентлиги, Ўзбекистон Миллий телерадиокомпанияси, Ўзбекистон Миллий ахборот агентлиги, «Жаҳон» ахборот агентлиги ва бошқа оммавий ахборот воситаларига мустақилликнинг йигирма уч йиллик байрамига тайёргарлик кўриш ва уни ўтказиш бўйича амалга оширилаётган ишларни атрофлича ёритиб бориш тавсия этилсин.

11. Мазкур қарорнинг ижросини таъминлаш Ўзбекистон Республикаси Бош вазири Ш.Мирзиёев зиммасига юклансин.

Ўзбекистон Республикаси
Президенти

Тошкент шаҳри,
2014 йил 1 июль

И.КАРИМОВ

ДАВЛАТИМИЗ ҚУДРАТИ ВА ҲУРЛИГИМИЗ РАМЗИ

(Давоми, аввали 1-саҳифада)

Гербимиз марказида бахт ва олижаноблик тимсоли бўлган афсонавий Хумо қуши қанотларини ёзиб, парвозга шайланиб турибди. Бу халқимизга хос эзгу орзу-умидлар ифодасидир. Зеро, элимиз Хумони азал-азалдан бахт қуши сифатида тасаввур этиб келган.

Гербимиздаги ушбу рамз ва тимсоллар халқимизнинг тинчлик, эзгулик, бахт-саодат, тўқинлик, фаровонлик каби орзу-умидларини ўзида намоён этади. Гербнинг пастки қисмидаги давлатимиз байроғини ифодаловчи чамбар бандига зарҳал ҳарфлар билан «Ўзбекистон» сўзи битилган.

Президентимиз Ислам Каримов ташаббуси билан 1992 йил 2 июлда қабул қилинган «Ўзбекистон Республикасининг Давлат герби тўғрисида»-

ги тарихий қонунда белгиланганидек, Давлат герби Ўзбекистон Республикаси Президенти девони, Олий Мажлис палаталари, Вазирлар Маҳкамаси, вазирликлар, ҳокимликлар, кўмиталар, давлат ҳокимияти ва бошқаруви идоралари бинолари, чет эллардаги мамлакатимиз дипломатик ваколатхоналари ва консуллик муассасаларининг пештоқида ўрнатилган. Республикаимиз давлат чегараларидаги Давлат герби барчамизга гурурифтхор бағишлайди. Ватан остонасидаги давлатимиз рамзини кўриб, беихтиёр қалбимиз энтикади, муқаддас заманимизга бўлган меҳр-муҳаббатимиз янада ошади.

Давлат герби тасвири ҳар биримизнинг мана шу саховатли замин фарзанди, ушбу озода юрт фуқароси эканимизни тасдиқловчи фуқаролик паспортида ҳам акс эттирилган.

«Ўзбекистон Республикаси Давлат герби тўғрисида»ги қонунда мамлакатимиз фуқаролари, шунингдек, Ўзбекистонда истиқомат қиладиган барча шахслар давлатимиз гербини ҳурмат қилишлари шарт экани белгилаб қўйилган.

Давлат рамзлари муқаддасдир. 2010 йил 24 декабрда қабул қилинган «Ўзбекистон Республикасининг давлат рамзлари ҳақидаги айрим қонун ҳужжатлари ва Ўзбекистон Республикасининг Маъмурий жавобгарлик тўғрисидаги кодексига ўзгартиш ва кўшимчалар киритиш ҳақидаги»ги қонунга мувофиқ, давлатимиз рамзларидан фойдаланиш қоидалари янада такомиллаштирилди. Унга кўра, Ўзбекистон Республикаси Давлат гербининг элементларини нодавлат ташкилотлари ҳужжатларининг реквизитлари ёки реклама материалларига киритилишига йўл қўйилмайди.

Ўзбекистон Республикаси Давлат гербининг тасвири туширилган белгилардан ишлаб чиқарилаётган ёки реализация қилинаётган товарларни (ишларни, хизматларни) ўтказиш учун тижорат мақсадларида фойдаланиш мумкин эмас. Нодавлат нотижорат ташкилотларининг рамзлари Ўзбекистон Республикасининг Давлат гербига ўхшаш бўлиши мумкин эмас.

Ҳа, мустақил Ватанимизнинг Давлат герби улкан ғоявий-тарбиявий аҳамиятга молик тимсол сифатида барчамиз учун кадрли ва муқаддасдир. Уни ҳар сафар кўрганимизда шундай бетакрор, ҳеч кимдан кам бўлмаган қудратли мамлакатда яшаётганимиздан фахр-ифтихор туйғуларини ҳис этамиз.

Зиёдулла ЖОНИБЕКОВ,
ЎЗА шарҳловчиси

■ *Yoz — o'tmoqda soz!* ■

ҚУВНОҚЛИК ҲАМРОҲИМИЗ

Ёз кимга қанақа билмадиг-у, аммо болажонлар учун зўр мавсум. Қорақалпоғистонлик болалар учун ҳам ёз эсда қоларли, таассуротларга бой ўтаёттир. Бундай дейишимизга асос — Нукус шаҳри ва туманларда фаолият кўрсатаётган дам олиш оромгоҳларидир.

Жорий йил ўттиз битта оромгоҳда 10190 нафар бола дам олиш режалаштирилган бўлиб, бугунга қадар биринчи ва иккинчи мавсумларда 5085 нафар бола мароқли ҳордиқ чиқарди. Шунингдек, академик лицей ва касб-хунар коллежлари қошларида ташкил этилган ўн бешта дам олиш масканлари эса 1445 нафар болани ўз бағрига

олди. Яқинда йигирма тўртта, яъни олти кундузги, ўн саккизта соғломлаштириш оромгоҳларига 2455 нафар бола учинчи мавсумда дам олиш учун келди ва улар тантанали равишда кутиб олинди.

— Бу йил болаларнинг ёзги дам олишини мазмунли ўтказиш учун йигирмата кундузги, олти мишта стационар оромгоҳларни ташкил этганмиз, — дей-

ди Қорақалпоғистон Республикаси қасаба уюшмалари ташкилотлари бирлашмаси Кенгаши етакчи мутахассиси Женисбой Аяпов. — Шунингдек, дам олиш масканларида турли маданий-маърифий тадбирларни ўтказаяпмиз. Ҳар мавсумнинг охириги икки — «Қасаба уюшмалари куни»да «Алпомиш авлодлари» спорт мусобақалари бўлиб ўтмоқда. Унда болалар нафақат спорт билан шуғулланади, балки бўш вақтини мароқли ўтказиш ҳам.

1 июль куни Тўрткўлдаги «Лочин» оромгоҳига учинчи мавсумда 160 нафар бола дам олгани узоқ-яқин шаҳар, туманлардан етиб келди. Оромгоҳ директори Рашид Сабуров болаларни ажойиб дам олиш мас-

канига «вақтимизни чоғ ўтказамиз», дея ишонч билан келганлари учун ташаккур айтди ва оромгоҳда яратилган имкониятлар билан таништирди.

— Бу ерда мазмунли дам олишингиз учун шарт-шароитлар етарли, — дейди у. — Беш маҳал иссиқ овқат берилади. Бой кутубхона, спорт тўғараклари сиз, болажонларнинг куну тун хизматингизда. Эртдан бошлаб «Экология ва биз», «Биз гиёҳвандликка қаршимиз!», «Камалак» юлдузлари, асфальтга расм чизиш каби танлов, мусобақалар бошланади. Ишонамизки, сиз билан вақтимиз чоғ ўтади...

Кумар БЕГНИЗОВА,
«Turkiston» муҳбири

МАДАНИЙ ҲОРДИҚ

Бу йилги ёз мавсумида Қашқадарё вилоятининг Шаҳрисабз, Китоб, Яккабоғ туманларида ўн тўққизта болалар соғломлаштириш оромгоҳи фаолият кўрсатмоқда. Ушбу оромгоҳларга келган болалар ҳар бир мавсумда ўн икки кун дам олади. Улар учун «Камолот» ёшлар ижтимоий ҳаракатининг туман ва шаҳар кенгашлари доимий тарзда маданий-маърифий, спорт соғломлаштириш тадбирларини ўтказиб келяпти.

Шунингдек, Ҳаракатнинг Китоб, Шаҳрисабз, Яккабоғ туман кенгашлари оромгоҳларда «Камалак» болалар ташкилоти сардорлар кенгаши фаолиятини йўлга қўйди. Улар иштирокида Шаҳрисабз туманидаги «В. Бердиев», «Гулистон», «Гулнора», «Зебунисо» болалар соғломлаштириш оромгоҳларида «Камолот» ва «Камалак» кунлари ташкил этилди. Унинг доирасида болаларнинг мазмунли дам олишлари учун турли хил кўнгулчор тадбирлар, спорт мусобақалари, «Сиз «Камалак»ни биласизми?» викторина савол-жавоблари, интерфол ўйинлар ва давра сўхбатлари ўтказилди.

Ҳаракатнинг ҳар бир туман ва шаҳар кенгашлари вилоятда мавжуд оромгоҳларга бириктирилган. Биринчи мавсумда Ҳаракатнинг Яккабоғ, Шаҳрисабз, Китоб, Деҳқонobod, Нишон, Миришкор туман кенгашлари «Ниҳол», «Соҳибқирон», «Бинокор», «Зиё чашмаси», «Беруний» оромгоҳларида бўлиб, турли қизиқарли тадбирлар уюштиришди.

Бундан ташқари, Ҳаракатнинг вилоят кенгаши қошида айнан оромгоҳларда тарбияланувчилар учун маданий-маърифий тадбирлар ўтказиш учун иккита гуруҳ ташкил этилган. Шунингдек, оромгоҳларда гуруҳ етакчиси сифатида фаолият олиб боришни истаган Қарши давлат университети талабалари Ҳаракатнинг вилоят кенгаши қошида ўқитилиб, етарли малакага эга бўлишларига кўмаклашилмоқда. Биринчи мавсумда саксон тўрт нафар талаба ўқитилган бўлса, иккинчи мавсум учун етмиш нафар талаба махсус сертификатга эга бўлди.

Жорий йилда Ҳаракат кам таъминланган ва боқувчисини йўқотган оила фарзандларининг ёзги оромгоҳларда мароқли дам олишлари учун бепул йўлланмалар берди.

Шавкат КАРОМОВ,
«Turkiston» муҳбири



МАҚСАД — БОЛАЖОНЛАР ЯХШИ ДАМ ОЛСИН

Мамлакатимизда ҳар сафар йқув йили яқунланиши билан болаларни ёзги оромгоҳларда соғломлаштириш, уларнинг маданий ҳордиқ чиқаришлари, билим ва кўникмаларини ошириш мақсадида мавсумий чора-тадбирлар амалга ошириб келинади. Зеро, таътилнинг мароқли ҳамда мазмунли ўтиши юртимиз фарзандларининг навбатдаги йқув йилида эришмажак муваффақиятлари, куч-ғайратлари гаровидир.

Жажжи болажонларнинг энг севимли мавсуми бўлган ёз фасли дам олиш масканлари ва болалар оромгоҳларининг фаолияти билан янада мароқли. Айниқса, мактабда оромгоҳларининг ташкил этилгани шу ёздаги ўғил-қизлар учун ёзги таътилнинг самарали ўтишида муҳим омил бўлаёттир. Биргина Навоий вилоятида мазкур мавсумда 119 та ана шундай муассасалар фаолият юритмоқда.

Уч минг йиллик тарихга эга бўлган Нуротада «Соғлом бола йили» муносабати билан «Ижодий маҳорат» кунлари бўлиб ўтди. Унда Давлат мукофоти совриндорлари, вилоятдаги фаол педагоглар иштирок этди. Тадбир доирасида тумандаги «Шодлик» болалар оромгоҳида «Ёз — болажонларнинг севимли даври» мавзуида ўқув-семинари ўтказилди. Унда мактаб ёшидаги болаларнинг мактабда оромгоҳларига жалб этилгани, шу йўналишда олиб борилаётган ишлар хусусида сўз юритилиб, ўқувчиларнинг стационар оромгоҳларга қатнови тўғрисида маълумотлар берилди.

Анжуман тумандаги 27-умумтаълим мактабида «Мўъжизакор қўллар» рукни остидаги энг яхши кўргазма куруллари ва методик махсулотлар намойиши билан давом этди. Семинарда иш фаолияти оммалаштирилишга тавсия этилган устоз-мураббийларнинг «Дарс таҳлили — таълим сифатини ошириш омили», «Фаол, ижодкор, зукко бўлинг», «Сиз инглиз тилини биласизми?» сингари мавзуларда ўтказилган амалий машғулотлари ёшлар учун маҳорат мактаби бўлди, десак янглишмаймиз.

— Дарс жараёнларида «Ҳамкорликда ишлаш», «Дидактик ўйин», муаммоли ва модулли таълим усулларида фойдаланишни афзал деб биламан. Бу технология болага фанни осон ўзлаштиришга ёрдам беради. Айни усулларни болалар оромгоҳларида ҳам оммалаштириш мақсадга мувофиқ деб ўйлайман. Чунки фарзандларимизга ҳам масканларда хунармандчилик сирлари ўргатилади, яхши китобхоналик кўникмалари шакллантирилади. Уларнинг шу саъй-ҳаракатларга муносиб жавоб беришлари, аввало, тўғарак раҳбарларининг жалб қила олиш маҳоратига ҳам боғлиқ, — дейди Нурота туманидаги 27-мактаб ўқитувчиси Маҳфуза Ҳайдарова.

Фарзанд камолоти бугунги ислохотларнинг асосий мақсадини ташкил этмоқда. Болалар дам олиш оромгоҳларининг кун сайин кўлами кенгайиб, шароитлари халқаро стандартларга тенглаштирилаётганида ҳам ана шу моҳият мужассам.

Дилдора КАТТАЕВА

■ «Камолот» худуди ■

Ҳаракатнинг Хоразм вилояти кенгаши Урганч шаҳридаги «Ёшлар кўли» дам олиш масканида «Биз соғлом турмуш тарзи тарафдоримиз!» ишори остида саломатлик акциясини ўтказди. Лойиҳа ёшлар ўртасида соғлом турмуш тарзини тарғиб қилиш, ОИВ/ОИТС касаллиги, гиёҳвандлик, ичкилик-бозлик ва кашандалик иллатларидан огоҳ этишига қаратилган.

Акцияда тўрт юз нафардан ортиқ йигит-қиз қатнашди. «Ёшлар кўли» худудида бир вақтнинг ўзида етти йўналишдаги тадбирлар ташкил қилинди.

Масалан, «Сиз биз билан биргасизми?» лойиҳасида акция иштирокчиларидан тузилган ўзига хос саломатлик поезди ўнта рамзий бекатда тўхтаб ўтиши керак эди. Бекатларда ёшларни «Камолот» фаоллари ва «Камалак» сардорлари соғлом турмуш тарзига доир саволлар билан кутиб олишди. Бундан ташқари, ҳар бир «Йўловчи»дан бирон спорт туридан маҳоратини намоён этиш талаб қилинди. Натижалар йўл варақасига қайд

этиб борилди. Охирида юқори балл тўплаган иштирокчиларга «Камолот» ЁИХ вилоят кенгашининг совғалари топширилди.

«Биз гиёҳвандликка қаршимиз!» мавзуидаги асфальтга расм чизиш танловида туман ва шаҳарлардан 85 нафар мактаб ўқувчиси ижодий қобилиятини ишга солди. Фолиблар «Энг қизиқарли расм», «Энг иқтидорли иштирокчи», «Энг ёрқин ранглар муаллифи» номинациялари бўйича тақдирланди.

Урганч санъат коллежи ўқувчилари эса гиёҳвандликка бўлган муносабатини саҳна кўринишлари орқали ифода этдилар. Шунингдек, барча ёшлар гиёҳвандлик ва унинг оқибатлари тўғрисида мутахассис маслаҳатини олиш имконига эга бўлдилар. Шу мақсадда акцияга вилоят саломатлик институти ходимлари жалб этилди.

Кун давомида «Ёшлар кўли»га ташриф буюрган кишилар фольклор жамоалари, эстрада хонандалари ва ёш спортчиларнинг чиқишларидан баҳраманд бўлди.

Шахло САФАШЕВА

«ЁШЛАР КЎЛИ»ДАГИ АКЦИЯ

КОМПЬЮТЕРДАН ҚОЧ, БОЛАКАЙ!

Техника ва технологиялар асрида яшар эканлиги, ахборот воситаларининг истеъмолчилига қай жихатдан таъсир ўтказиши ҳақида жиддий бош қотиришга тўғри келади. Зеро, жадал глобаллашув шароитида бундай таъсир оқибатида, айтайлик, ёш авлоднинг баркамол ўсиши ва ривожланиши, айниқса, тарбиясида сезиларли нуқсонлар юзага келиши мумкин. Ҳўш, замонавий ахборот технологиялари ва улар етказиб берган улкан ахборот оқими айнан болалар онзи ва организмига қай даражада таъсир ўтказмоқда? Шу саволга биргаликда жавоб топсак.

Компьютер ёшлар орасида ниҳоятда кенг оммалашган техник восита. Компьютерни ўзига дўст тутган болада илк салбий аломатлар ўзини тезда намоён этмайди. Бироқ вақт ўтгани сайин фарзандингизнинг кўриш қобилияти пасайиб, овқатланиш тартиби ва уйқунинг бузилиши, қаттиқ бош оғриғи ва бел оғриғи безовта қилиши турган гап.

Икки-уч яшар боланинг нутқи ва хотираси компьютер таъсирида сусаяди.

Мутахассислар икки ёшгача бўлган болаларни компьютерга умуман йўлатмасликни тавсия қилишади. Чунки бола организмнинг жисмоний ва руҳий жиҳатдан жадал ривожланиши айнан шу даврга тўғри келади. Бу ёшда унинг вазни ҳар ойда 200-250 граммдан ошиб, бўйи бир сантиметрга чўзилади. Уч ёшлигидан бошлаб боланинг нутқи ҳам ривожланиб, бир йилда сўз бойлиги 1000-1200 та сўзга етади. Икки-уч яшар боланинг компьютер билан ошно бўлиши нутқи, хотира, ақл ва зеҳнининг ривожланишига, шубҳасиз, салбий таъсир кўрсатади.

Боз устига, соатлаб компьютер монитори қаршида ўтириш танадаги мувозанат аъзонинг чиниқишига йўл қўймайди. Ушбу аъзо эшитиш органининг ичида жойлашган. У вестибуляр анализатор рецепторлари (сезувчи хужайралар)дан иборат бўлиб, турли ҳаракатларни бажарганимизда кўзгалади ҳамда тана мувозанатини сақлаб туришимизга ёрдам беради. Шундай экан, мувозанат аъзоси нормал ривожланиши учун инсон болаликдан серҳаракат бўлиши, жисмонан чиниқиши, кўпроқ

жисмоний машқлар бажариши лозим. Мувозанат аъзосининг яхши ривожланмаслиги оқибатида тана ҳаракати бироз тезлашиши биланоқ (масалан, тебранганда, транспортда юрганда) бош айланиши, кўз тиниши, юрак уришининг тезлашиши, қон босимининг пасайиши, юз рангининг оқариши, кўнгил айниши, баъзан ҳатто, ҳушдан кетиш ҳолатлари кузатилиши мумкин.

Мувозанат аъзосини кичик ёшдан чиниқтириш ниҳоятда муҳим аҳамиятга эга. Бунинг

билан шуғулланиш ҳам мазкур аъзонинг соғлом бўлишига ижобий таъсир кўрсатади.

Ўсмир ёшлар транспортда қўлидаги телефон, планшет каби техника воситалари орқали ўйин ўйнаб ёки бирор нарсани ўқиб, расм ва видеоларни томоша қилиб кетишига кўп бора кўзимиз тушади. Ваҳоланки, бундай ҳолат кўриш гигиенаси талабларига мутлақо зиддир. Чунки транспорт воситаси доимо чайқалади. Демак, қўлингиздаги ҳар қандай восита ҳам титраб туриши



энг қулай усулини халқимиз аллақачон ўйлаб топган. Бу болани бешиқда тебратиб ухлатишдир. Бешиқда ётган болада мувозанат аъзоси бенуқсон

80 децибелдан баланд овоз ёки шовқин гастрит ва ошқозон ярасини келтириб чиқаради.

ривожланиши амалиётда ўз тасдиғини топган. Қолаверса, узоқ вақт компьютерда ўйин ўйнашдан кўра, велосипедда, турли айланувчи аргимчоқларда учиш, рақсга тушиш, сузиш, югуриш, сакраш, гимнастика машқлари ва умуман, спорт

аниқ. Бу эса ўз навбатида, кўз гавҳари шаклининг узлуксиз ўзгариб туришига сабаб бўлади ва кўзни толиқтириб, хираланиб қолишига олиб келади.

Компьютердан фойдаланганда ёруғлик чап томондан тушиб туриши, кўз билан монитор орасидаги масофа ўта яқин бўлмаслиги, телевизордан каммида икки метр узоқда ўтириш ҳам муҳим талаблардан ҳисобланади. Узоқ вақт компьютер монитори ёки телевизорга тикилиб туриш кўриш қобилиятини сўзсиз пасайтиради. Шунинг учун ҳар ўн беш дақиқада кўзга шунча вақт танаффус беринг, деразадан узоқдаги



нарсани ёки буюмга қараш фойдалидир.

Глобаллашув шароитида ёшларнинг ҳаёсиз видеоклип ҳамда кинофильмларни томоша қилишларини чеклаш бирмунча мушкул. Афсуски, бундан, аввало, боланинг заиф, ҳали мустақамланиб улгурмаган психикаси азият чекади. Экрандаги беҳаёлик таъсирида ўсмирларда балоғат ёшининг тезлашиши кузатилмоқда. Бу жараён фан тилида «акселерация» деб юритилади. Бундай вазиятларда ота-она, бобо-бувилар ва бошқа катта ёшдаги инсонлар ўсмир ахлоқини назорат қилиб бориши даркор.

Компьютернинг бола организмга таъсири ҳақида гап борар экан, компьютер ўйинла-

Организмга салбий таъсири жиҳатдан кучли шовқин тамакидан кейин иккинчи ўринда туради.

ри тўғрисида тўхталмай иложимиз йўқ. Маълумотларга қараганда, бугунги кунда ер юзиде эллик миллиондан ортиқ киши компьютер ўйинларига ишқибоз. Психологлар бу ҳолат одамларнинг компьютерга тобе бўлиб қолиши, натижада, жисмоний ва руҳий саломатлигига зиён етиши ҳақида огоҳлантиришади. Зеро, ўйинпарастларнинг тахминан ярмида жиддий психологик муаммолар мавжуд.

Техника воситаларидан чиқётган шовқиннинг ҳам организмга салбий таъсири бор. Компьютер ва телефонда

қулоқчинлар орқали баланд овозда мусиқа тинглаш айниқса хавфлидир. Шовқин-сурон инсонда бош оғриғи, бош айланиши, уйқусизлик, қон-томир тизими ҳамда руҳий ҳолатида турли бузилишлар, жаҳлдор-

Болани бешиқда тебратиб ухлатиш мувозанат аъзосини чиниқтиришга ёрдам беради.

лик, хотира сусайиши каби салбий оқибатларга олиб келиши илмда исботланган. Мутахассисларнинг тахминича, инсон организмга зиёни жиҳатдан шовқин тамакидан кейин иккинчи ўринда туради. Шунингдек, 80 децибелдан баланд шовқин остида муттасил вақт ўтказиш гастрит ва ошқозон ярасини юзага келтириши ҳам факт.

Мустақил юртимизда улғаяётган ёш авлод вакиллари юқори техника ва технологиялар салбий таъсиридан ҳимоя қилишда энг ишончли йўл уларнинг онгини юксак маънавий билимлар билан озиқлантириш ҳисобланади. Қачонки тенгдошимизнинг мафқураси ва этиқоди мустақам бўлса, у ўзини ҳар қандай зарарли ахборот ва техникадан асрай олади. Бу эса, аввало, оилада маънавий муҳитни юксалтириши тақозо этади.

**Сабоҳат ТОШПҲЛОВА,
ЎзРФА Генотика ва
биоинформатика маркази
тадқиқотчиси**

my.gov.uz

— ХАЛҚ ХИЗМАТИДА

Давлат органларига бирор масалада мурожаат қилмоқчисиз. Биометрик паспорт олмақчисиз-у, тегишли жойга боришга вақтингиз бўлмапти. Устига-устак, меҳнат стажингиз тўғрисида архив маълумотларини тезроқ олишингиз керак...

Ишлар қалашиб ётганда, қанийди, шундай бир хизмат тури бўлса-ю, ҳамма юмушим бирданига тез, осон ҳал бўлса, деган истак хаёлдан ўтади. Ким билади, кимдир билмайди, аммо ҳозир мамлакатимизда мана шундай интерактив хизматларни ўзида жо қилган ягона портал — my.gov.uz бор.

Бугун ягона интерактив давлат хизматлари портали — my.gov.uz нинг ташкил этилганига бир йил бўлди. Шу муносабат билан пойтахтимиздаги Алоқа тарихи музейида «Аҳоли ва давлат органлари ўртасидаги муносабатларни мустақамлашда Ягона порталнинг ўрни» мавзусида матбуот анжумани ўтказилди.

Унда Ўзбекистон Республикаси алоқа, ахборотлаштириш ва телекоммуникация технологиялари давлат қўмитаси раиси

ўринбосари Шерзод Шерматов сўз олиб, порталнинг бугунги фаолиятига тўхталди.

— my.gov.uz сайтига 20071 та мурожаат келиб тушди, — дейди у. — Улар тегишли давлат органларига жўнатилди ва кўриб чиқилди. Мурожаатлардан 85 фоизига ваколатли органлар томонидан ўз вақтида жавоблар йўлланди. Ишонимизки, Ягона порталдаги бу интерактив хизматлар янада такомиллашиб, келгусида у аҳоли ва давлат органлари ўртасидаги сифатли, самарали Ягона электрон восита бўлиб хизмат қилаверади.

Матбуот анжуманида Республика «Uzinfocom» маркази директорининг биринчи ўринбосари Файратхўжа Саидалиев Ягона портал бўйича ўз тақдимотини намойиш этди. Тақдимотда порталнинг имкониятлари, ундаги интерактив хиз-

матлар ва мавжуд камчиликлар кўрсатилди. Сўнгра сўз олган Ўзбекистон Республикаси алоқа, ахборотлаштириш ва телекоммуникация технологиялари давлат қўмитаси раиси ўринбосари Ким Нам Сок Ягона портал «Call-center» ҳақида тўхталар берди.

— Интернетдан фойдаланмайдиганлар учун «Call-center», яъни маълумотлар хизматини ташкил этганмиз. Бунда юрдошларимиз 8-800-200-18-18 телефон рақами орқали кўнғироқ қилиб, ўз ариза, таклиф ва шикоятларини давлат органларига йўллайди, — дейди Ким Нам Сок. — Бир йил ичида бу хизмат орқали давлат органларига 7630 та кўнғироқ бўлди. Яқинда ушбу телефон рақамларини қисқа — 1060 га ўзгарттирдик. Бу саъй-ҳаракатларнинг барчаси аҳоли эҳтиёжларини қондириш ва уларга тезкор, ишончли, сифатли электрон хизматларни жорий этишдир.

**Қумар БЕГНИЯЗОВА,
«Turkiston» муҳбири**

«Бухоро» темирйўл вокзалда «Ёшлик оламига ҳур келибсиз!» деб ёзилган салимий биттик фестивалга келган ҳар бир кўнгилга яхши кайфият, яшарли қувонч тўйғуларини солди. Қалби қайноқ, юраги юртни яшнайтиш, бунёдкорлик ишқи билан ёнаётган келажакимиз ворисларини маднан рағбатлантиришга қаратилган мазкур фестивал илк маҳзаларида ноқ, кўхна заминга янги нафас олиб кирди. Ўзига хос ёшлар байрамида илм чўққилари сари таллинган, орзу-мақсади йўлида интиллаётган йўқувчи ва талаба-ёшлар ҳамда жамиятда ўз фаоллигини оширишга ҳаракат қилаётган юшмаган йигит-қизлар фестивал лойиҳалари афрофида бирилади.

Шу юртга муносиб фарзанд бўлайлик!



ЁШЛАР ДОИМО ОЛДИНДА!

— Ёшларнинг маънавий уйғоқлиги миллатни ғафлатдан асрайди. Ваҳоланки, ана шу фестивалнинг ўзиёқ ёшларни Ватан келажакига яна ҳам теран нигоҳ ташлашга ундаётир. Ёшлар онги ва тафаккурини, қалбини оммавий таҳдидлар хуружидан химоялаш, уларни мустақил фикрлаш руҳида тарбиялашга қаратилган «Оммавий маданият» ва ёшлар маънавияти», уларнинг жамиятда ижтимоий-сиёсий фаоллигини ошириш, ўз ҳуқуқларини тўла англаб етишларига кўмаклашадиган «Ижтимоий-сиёсий ва ҳуқуқий йўналиш», «Одам савдосидан ёшларни асраш — куннинг долзарб масаласи», «Ёшлар ўртасида эрта никоҳ ва унинг олдини олиш масалалари» каби бир қатор лойиҳалар борки, улар ёшларнинг жамият ва ҳаётда учрайдиган турли қийинчилик ва муаммоларини бартараф этишларида қандай ҳаракат қилишлари лозимлигини тушунтиради. Ушбу фестивал ана шу жиҳати билан алоҳида ажралиб туради, — дейди Ҳаракатнинг Бухоро вилояти кенгаши раиси Жамол Носиров.

Дарҳақиқат, Қорақўл, Ғиждувон ва Бухоро туманларида ўтган «Депутат ва ёшлар» лойиҳасида ҳам ёшлар ўзларини жамиятнинг олдинги сафларида юришларини исбот этишди. Сенатор ва депутатлар иштирокида ташкил этилган мазкур лойиҳада ёшларнинг бўш вақтларини мазмунли ўтказишларини таъминлаш, уларни қийнаётган айрим муаммоларга эътибор қаратилиши лозимлиги таъкидланди. Айниқса, Вобкент иқтисодиёт коллежида бўлиб ўтган «Ҳоким ва ёшлар» учрашуви кўпчиликнинг эътиборини тортди.

— Юртимиз эгалари бўлган ёш авлодни ҳар жиҳатдан қўллаб-қувватлаш, уларни қийнаётган ва ташвишлантираётган масалаларга қўлқутутиш, асосийси, ёшлар муаммоларини ҳал қилишга киришиш, эътибор кўрсатиш шарафли бурч, — дейди фестивалда қатнашган Ўзбекистонда хизмат кўрсатган артист Собиржон Мўминов.

«Биз соғлом турмуш тарафдоримиз!»

лойиҳаси Бухоро туманидаги «Ёш пахтакор» оромгоҳи, Қоровулбозор туманидаги «Гўзал» соғломлаштириш мажмуаси ҳамда Олот туманидаги спорт масканларида ўтказилди. Унда ёш спортчилар таниқли спорт усталари ва юртимиз шарафини дунёга таратган чемпионлар билан учрашди.

«Президент асарлари билимдони» лойиҳаси доирасида бўлиб ўтган семинар-тренинглари юртимиз эртасининг чинакам эгаларини камол топтиришда муҳим ўрин тутди. Мазкур лойиҳада ўз билими ва иқтидори билан тенгқурларига ўрнак бўлган ёшлар кўпчиликини ташкил этди. Фестиваль доирасида ўтказилган «Иқтидор эгаси — обод юрт эртаси», «Ватан тараққиётига менинг ҳиссам», «Камолот» кутубхонаси, «Интернет ва ёшлар» лойиҳалари ҳам йигит-қизларнинг иқтидор ва маҳоратини илмуфан, маданияту санъат йўналишларида синовдан ўтказди.

Албатта, ёшлигидан илм-фанга муҳаббат қўйган, китобга ошно тутинган киши қалби ҳамиша меҳр-оқибат ва яхшиликка тўлиқ бўлади. Фестиваль дастуридан ўрин олган «Ҳеч ким меҳр ва эътибордан четда қолмасин!» лойиҳаси ҳам меҳрга ташна қалбларга ирода, шу Ватандан фахрланиш туйғусини ўстиришда ҳисса қўшди.

«ВИЖДОНЛИ СОТУВЧИ»

Мазкур фестивал «Виждонли сотувчи» лойиҳаси билан ҳам ёшларни қизиқтириб келган. Сотувчилар учун «сюрприз» вазифасини ўтовчи ушбу лойиҳа Бухоро шаҳри, Ромитан ва Ғиждувон туманларида ҳам бўлиб ўтди.

Ғиждувон тумани марказий бозорида жойлашган айрим дўконлардаги ҳолатлар «Виждонли сотувчи» лойиҳаси ташаббускорларини анча ўйлантириб қўйди.

— Бугунги кун йигит-қизлари ёшлик завқу шижоати билан янгиликларга интилиб, соғлом муҳитга талпиниб яшамоқда. Бу барчамизни қувонтиради. Улардаги истеъдоду маҳоратдан ҳайратланасиз. Бироқ ёшлар орасида соғлом турмуш тарзини тўла англаб етмаётганлар ҳам бор. Бунда, албатта, катталарнинг ҳам

таъсири яхшигина сезилади, — дейди Ўзбекистонда хизмат кўрсатган артист Лола Элтоева. — Айрим дўкондорларнинг ўз ишларига совуққонлик билан қарашлари биз учун ажабланили эмасу, аммо ёқимсиз ҳолатлар устида уларнинг дўконига «юлдуз»ларнинг «солиқчи» тимсолидаги ташрифлари улар учун ҳайратланарли бўлди. Биз ўзимиз борган дўкондагиларнинг барини «Виждонли сотувчи» акцияси ғолиблари бўлишларини жуда-жуда истаган эдик...

Ёшлар фестивалининг ҳар бир лойиҳаси йигит-қизлар тақдири ва яшаш тарзига янада гўзаллик, завқ бағишлади. Муҳими, юртга керак эканликларини чин дилдан ҳис қилишди. Шунинг ўзи бахт.

Моҳиғул Турсунова, «Камолот» фаоли:

— Ёшлар фестивали бизлар учун катта совға бўлди. «Сиз кутган қахрамонлар» ва «Замонамиз қахрамонлари» лойиҳалари доирасида ўтказилган ижодий учрашувларнинг қарийб барчасида иштирок этишга улгурдим. Жондор туманида яшасам-да, вилоятнинг энг чекка тумани — Олотда ўтказилган учрашувларда ҳам қатнашдим. Элимиз суйган санъаткорлар Лола Элтоева, Адиз Ражабов, Шоира Отабекова ҳамда Дилшод Ражаб, Файрат Мажид, Озода Бекмуродова каби ижодкорлар билан юзма-юз кўришиб, суҳбатда бўлдим. Китобга, шеърятга ошнолигим мени улар томонга янада яқинроқ боришга ундади. Фестивалнинг шунчаки томошабини бўлиб қолмай, балки унинг иштирокчисига ҳам айландим. Шеърларимдан ўқиб бердим. Мени тинглашганда кўнглим тоғдек кўтарилди.

Эл суйган қахрамонлар ва қалам аҳли билан бўлган ижодий учрашувлар вилоятнинг эллика яқин масканларида ташкил этилди.

РАҒБАТ

— Инсон улғайгани сайин босиб ўтган йўлини сарҳисоб қилишга мойилроқ бўлиб борар экан. Эҳ-ҳе, биз тенгилар не-не машаққатларни бошдан кечирмади. У кунларнинг ёмон туш каби ортда қолгани рост бўлсин!

Юртимизга, ёшларимизга, яхши кунларимизга кўз тегмасин, — дейди шоир Тошпўлат Аҳмедов.

Албатта, ана шундай оташқалб, фидойи ёшлар эътиборга, рағбатга муносиб. Зеро, ёшларни ҳар жиҳатдан қўллаб-қувватлаш, рағбатлантириш, ўз истеъдод ва маҳоратларини оширишда елкадош бўлиш «Камолот»га хос. Ёшлар ташкилоти бу гал ҳам шу анъанани муносиб давом эттирди. Фестивалда фаол иштирок этган ташаббускор, интилувчан, билимда пешқадам йигит-қизлар муносиб тақдирланди.

Вилоят Муסיқали драма театри муסיқа оператори Юрий Исмагилов «Ҳаракатнинг энг фаол аъзоси», Ҳаракатнинг Пешку тумани кенгаши раиси Жўрабек Умидов «Энг яхши ҳуқуқ тарғиботчиси», вилоят тадбирлари ижодий гуруҳи етакчи раҳбари Абдор Ортиқов «Энг яхши маънавият тарғиботчиси», Бухоро шаҳридаги 4-академик лицей ўқувчиси Рушана Набиева «Энг фаол жамоатчи муҳбир», Ҳаракатнинг вилоят кенгаши ходими Ҳасан Абдулхусейнов «Энг яхши соғлом турмуш тарзи тарғиботчиси», Шерзод Холиқов «Энг фаол Ҳаракат ходими», Шофиркон тумани ҳокими Идибой Жўраев «Ёшлар билан ишлашда энг фаол туман ҳокими», Бухоро солиқ коллежи бошланғич ташкилоти етакчиси Лазиз Бозоров «Энг намунали тарғибот етакчиси», Ҳаракатнинг Ғиждувон тумани кенгаши раиси Ғолиб Баротов «Энг фаол туман кенгаши раиси» номинациялари бўйича диплом ва қимматбаҳо совғаларни қабул қилишди.

Фестивалнинг қувончу ҳайратга тўла тантаналари кўнгиллари ифтихорга, гурурга тўлдирди. Мухтасар айтганда, фестивал ёшлар юрагида Ватанга муҳаббат, халққа садоқат ҳисларини ривожлантириш, миллий истиқлол ғояси руҳида тарбия топишлари, ҳар томонлама баркамол шахс ва етуқ кадр бўлиб етишишларида кўмаклашиш, уларнинг иқтидор ва истеъдоди, ижтимоий-сиёсий фаоллигини оширишда, фикр алмашиш, соғлом ижодий муҳитни яратишда муҳим аҳамият касб этди.

Лайло ХАЙИТОВА,
«Turkiston» муҳбири

■ Bolalar sporti ■

Марям Раҳимова эндигина ўн ёшга тўлди. У Хонқа туманидаги 20-мактабнинг тўртинчи синфини тугатди. Тенгдошларига ўқишда ҳамisha ўрнак Марям спортда яхши натижаларга эришмоқда.

СПОРТ ЯХШИ ФАЗИЛАТЛАРНИ ТАРБИЯЛАЙДИ

— дейди ёш спортчи қизнинг онаси

— Икки йил олдин мактабда ташкил этилган каратэ тўғрисида аъзо бўлиб келганида қизим ҳали кичкина деб ўйлаб жуда хавотирлангандим, — дейди Марямнинг онаси Дилдора опа. — Дарсдан кейин уйга югурадиган қиз энди машғулотларда жиддий шуғуллана бошлади. Қиз боласан, спорт билан шуғуллангандан кўра, бирор хунар ўргансанг бўлмайди, дея уни шаштидан қайтармоқчи ҳам бўлгандим. Қизим қарориди қатъий туриб олди. Унинг тиришқоқлиги ва қатъиятини кўриб, шуғулланишига қарши бўлмадим. Ўқишларига ҳам улгураётганини кўриб суюндим. Спорт инсонни иродали, қатъиятли бўлиб улғайишига кўмаклашишига шубҳам қолмади. Бундан ташқари, унинг тетиклиги, ўзига бўлган ишончининг ортиб бораётганидан хурсандман.

Кичкина жуссаси, абжирлигини кўрган киши спортчи қизнинг шижоатига қойил қолади. Ўқишдан кейин машғулотларда шуғулланаётган қизлар бекорчиликдан эмас, балки жиддий мақсадлар билан тўғаракка қатнашмоқда.

Марям Раҳимова қисқа фурсатда, яъни икки йил ичида юқори натижаларга эришди. Ўз устида астойдил ишлаётган қиз каратэ бўйича Ўзбекистон чемпионатида биринчи ўринни, кумите баҳсларида учинчи ўринни қўлга киритди.

— Марям ёш бўлса-да, масъулиятли қиз, — деди устози Алишер Курбонов. — Болаларга ўхшаб ўйинқароқлик қилмайди. Ўз устида кунт билан ишлайди. Келажакда Марям спортда катта муваффақиятларга эришишига ишонаман. Бу борада унинг интилувчанлиги, меҳнатсеварлиги орзуларига қанот бўлади.

Муҳаббат САПАЕВА,
Хоразм вилояти

■ Tashabbus ■

ЮРТНИНГ УМИД НИҲОЛЛАРИ

Қарши шаҳридаги амфитеатр мажмуасида «Биз Ватан фарзандлари — умид ниҳолларимиз» шиори остида ёшлар фестивали бўлиб ўтди. Қашқадарё вилоят ҳокимлиги, «Камолот» ёшлар ижтимоий ҳаракати вилоят кенгаши ҳамда маданият ва спорт ишлари бошқармаси ҳамкорлигида ўтказилган фестиваль доирасида «Баркамол авлод — 2014» спорт ўйинларида иштирок этган ёшларни қўллаб-қувватлаш мақсадида тақдирлаш маросими ҳам бўлиб ўтди.

Ёшларни тинчлик, огохлик, Ватан учун фидойилик ва ташаббускорликка ундовчи турли тарғибот воситалари ва паннолар билан байрамона безатилган амфитеатр вилоятнинг барча туман ва шаҳарларидан келган фаол ва иқтидорли ёшлар билан тўлиб-тошди. Фестивалда ёшларнинг ижтимоий-иқтисодий, сиёсий-ҳуқуқий жараёнларга бўлган муносабатларини шакллантириш, уларнинг ижтимоий фаоллигини ошириш, турли ёт ғоялар-

дан асраш, шунингдек, халқимиз, миллатимиз, миллий қадриятларимизга ҳурмат ва садоқат руҳида тарбиялаш каби улғу мақсадлар билан бир қаторда мустақил юртимизда ёшларга яратиб берилаётган имконият ва шароитларни кенг тарғиб этиш, мавжуд имкониятлардан унумли фойдалана олиш масъулияти уларнинг зиммасида эканлигини турли бадий чқишлар орқали сингдиришга алоҳида эътибор қаратилди.

— Бундай фестиваллар ижодий юксалишимга



қанот бўлади, янги куч, ғайрат, илҳом оламан. Яқинда «Юрт келажаги» иқтидорли ёшлар танловининг вилоят босқичи ғолиби бўлдим. Бу ҳам эл-юрт олдида яратилган имконият ва шароитлардан унумли фойдаланиб, янада кўпроқ ўқиб-излашнишга, янги марраларни забт этишга ундайди, — дейди Қарши давлат университети талабаси Азиза Набиева.

— Ёшлар фестивалида биринчи бор иштирок этапман. Бу ерда ака-опаларимнинг эришган ютуқларини, шижоат ва ғайратини кўриб қувондик. Мен ҳам улардек юртимизда биз, ёшларга берилаётган имкониятлардан унумли фойдаланиб, шу юрт та-

раққиётига муносиб ҳисса қўшадиган касб эгаси бўлишни мақсад қилдим, — дейди Қарши шаҳридаги 5-мактабнинг 5-синф ўқувчиси Настарин Зарипова.

Ёшлар фестивалининг байрам концертида «Ниҳол» мукофоти совриндорлари, вилоятнинг таниқли хонандалари ижросидаги куй-қўшиқлар, театрлаштирилган сахна томошалари ҳамда «Камолот» ЁИХ вилоят кенгаши қошида ташкил этилган «Ўзбегим беклари» қувноқлар ва зукколар жамоасининг чқишлари ёшларни яна бир бор бирдамликка ундади.

Баҳодир ЮСУПОВ,
Қашқадарё вилояти

■ Ustozlar yodi ■

ҲОФИЗ ХОТИРАСИ БАРҲАЁТ

Қўшиқ инсоннинг қалб торларини чертувчи, ботиний туйғуларига таъсир этиш қудратига эга бўлган санъат турларидан биридир. Ўзбек қўшиқчилигининг тарихи қадимийликда Миср эҳромларидан қолишмайди. Бу факт тадқиқотчи олимларнинг изланишлари натижасида вужудга келган. Юртимиз сарҳадларидан топилган археологик ашёларда — гор ва қоятош суратлари, солномаю миниатюраларда акс этган қўшиқчилик санъатининг илк куртаклари фикримизни исботлайди.

Ўзбекистон халқ артисти Абдухошим Исмоилов: «Ўзбек санъаткори исталган бир халқнинг (у хоҳ ҳинду олмон, хоҳ чинлигу фаранг бўладими) миллий қўшиқларини маромига етказиб ижро эта олади. Лекин бирорта ҳам миллат вакили

ўзбек халқ қўшиқларини қиёмига етказиб ижро эта олмайди» деб бежиз айтмаган. Дарҳақиқат, ўзига хос мураккабликларга эга бўлган ўзбек қўшиқлари савия ва залвори жиҳатдан ҳам юксак поғонада туради.

Ҳожи Абдулазиз Абдурасу-

лов, Ж.Султонов, М.Узоқов, Т.Тошмухаммедов, Ю.Ражабий, ака-ука Шожалиловлар, Сўфихоновлар, К.Отаниёзов — буларнинг бари ўзбек мумтоз мусиқасининг ривожига улкан ҳисса қўшган санъат соҳиблари ҳисобланади. Юқорида номлари зикр этилган ана шундай устозлар қаторига Ўзбекистон халқ ҳофиз-и Орифхон Ҳотамовни ҳам ҳеч иккиланишсиз киритишимиз мумкин.

Яқинда пойтахтимиздаги Фафур Фулом номидаги маданият ва истироҳат боғида бўлиб ўтган «Барҳаёт сиймолар» туркумидан «Беназир устоз ёди» деб номланган адабий-мусиқий хотира анжумани устоз Орифхон Ҳотамовнинг ҳаёт йўли ва ижодига бағишланди.

Мазкур тадбирда мусиқашунос олимлар, соҳа мутахассислари, О.Ҳотамовнинг шогирдларидан Ўзбекистон халқ ҳофизлари Набижон Иброҳимов, Маҳмуджон Тожибоев, Бекназар Дўстмуродов, Маҳмуджон Йўлдошев, Ҳасан Ражабий, ака-ука Ваҳобовлар, Эркин Рўзиматов, Ўзбекистон халқ артисти Матлуба Дадабоева, Ўзбекистонда хизмат кўрсатган артистлар Икромжон Бўронов, Насиба Сатторова, Абдулла Шомағрупов, устознинг фарзандлари ва бир қатор ихлосмандлари Орифхон Ҳотамов ҳақидаги хотира ва қўшиқлари билан иштирок этди.

Анжумани санъатшунослик фанлари номзоди, профессор Сойибжон Бегматов

олиб борди. Ҳофизлар томонидан, асосан, устоз Орифхон Ҳотамов ижодига мансуб бўлган мумтоз қўшиқлар ижро этилди.

— Тадбирни ўтказишдан кўзланган асосий мақсад, халқимизнинг олтин меросларидан бири бўлган мақом санъатини, анъанавий ашулаларни ёшларга сингдириш ва ушбу йўналишда узоқ йиллардан бери фаолият кўрсатган устоз санъаткорнинг ҳаёти ва ижод йўли ҳақида маълумот беришдан иборат, — дейди Ўзбекистонда хизмат кўрсатган маданият ходими Ўткирбек Тоҳиров.

Тадбирга ташриф буюрган санъаткорларнинг чиқиши томошабинларга манзур бўлди. Ижро этилган қўшиқларнинг соҳир жаранги боғда сайр қилиб юрганларнинг ҳам кўнглини хушнуд қилган бўлса, ажаб эмас.

Алибек ОМОНТУРДИЕВ,
«Turkiston» мухбири

Kasb-hunar kollejlari

БИТИРУВЧИЛАР ИШ ФАОЛИЯТИНИ БОШЛАМОҚДА

Чиноз қурилиш ва иқтисодиёт касб-хунар коллежининг 615 ўринга мўлжалланган замонавий ўқув биноси қурилиб, фойдаланишга топширилиши мазкур даргоҳда ўқувчиларнинг тўлақонли билим ва хунар эгаллашлари учун яхши имкон бўлди.



Жорий ўқув йилида коллежни тамомлаган 405 нафар ўғил-қизнинг деярли барчаси ўзлари амалиёт ўтаган корхона ва ташкилотлар билан уч томонлама шартномалар тузишга эришганлиги қувонарли.

— Битирувчиларнинг ўн беш нафари айни вақтда «Ипотека банк» ва «Агробанк»нинг Чиноз туман филиалларига муружаат қилиб, имтиёзли кредит олишга муваффақ бўлди, — дейди коллежининг касбий таълим бўйича директор ўринбосари Зоир Исмаилов. — Айниқса, қизларнинг бу йўналишдаги фаоллиги эътиборли.

Дарвоқе, коллежининг фаол битирувчилари орасида ҳозирданок туман хунарамандлар уюшмасига аъзо бўлиб, касаначилик билан шуғулланишга астойдил бел боғлаганлар ҳам бор. Улар «Ипотека банк»дан имтиёзли кредит олиш арафасида.

Молия йўналиши битирувчиси Лазиз Йўлчибоев ва менежмент йўналиши битирувчиси Хусан Мирзаалиев ўз бизнес-режаларини тақдим этиб, «Агробанк» туман филиалдан ҳар бири 5 миллион сўмдан имтиёзли кредит олишди.

Коллеждаги 37 та фан ва спорт тўғрақлари фаолияти мақтовга ло-

йик. Иқтидорли болалар билан ишлашга ҳам алоҳида эътибор қаратилган, улар фан олимпиадалари, турли танловларда муваффақиятли иштирок этиб келишяпти.

Иқтисод фани ёш ва изланувчан ўқитувчиси Маъмуржон Абдусахатов «Ёш сиёсатчи» кўрик-танловида фаол қатнашиб кўпчиликнинг эътиборини қозонди.

Коллежда «Соғлом бола йили» муносабати билан ҳамда битирувчи қизларни тадбиркорликка жалб этиш мақсадида турли тадбирлар тез-тез

ўтказилади. Корхона ва ташкилотлар, республика «Хунараманд» уюшмасидан мутасадди вакиллар ташриф буюриб, тадбиркорлик фаолиятига оид маслаҳатлари ва йўл-йўриқлари билан ўртоқлашмоқда.

Умуман олганда, касб-хунар коллежининг бугунги қайноқ ҳаёти иқтидорли ёшларни ҳар томонлама камол топтиришга, уларни меҳнатсевар ва касб-корли бўлиб етиштиришга қаратилган.

Ашуралӣ БОЙМУРОД,
«Turkiston» мухбири

Yosh tadbirkor — yurtga madadkor

ОИЛАВИЙ КОРХОНА

замонавий либослар ишлаб чиқармоқда

Қарши шаҳридаги «Junior

Тех» оилавий корхонаси тикувчилик цехида болалар учун спорт либослари ишлаб чиқарилмоқда. Ёш тадбиркор Абдулазиз Абдиев раҳбарлик қилаётган бу оилавий корхонада бугунги кунда тўрт киши иш билан таъминланган бўлиб, улар томонидан бежирим ва чиройли кийим-кечаклар тайёрланмоқда. Оилавий корхонада ишлаб чиқарилаётган маҳсулотлар шартнома асосида савдо шохобчаларига етказиб берилаяпти.




ратди. Танлов шартларига кўра, мазкур кредитнинг фоизини «Камолот» ёшлар ижтимоий ҳаракати Марказий Кенгаши тўлаб беради.

— Танловда қолиб чиқсам, Қарши шаҳрида тикувчилик цехи очаман, деб ният қилгандим. Лойиҳам банк экспертлари томонидан молиялаштиришга тақдим этилганидан жуда мамнунман. Муҳими шундаки, ўзимга бўлган ишонч янада ошди. Ажратилган кредит маблағини тикув машиналари ва хомашё сотиб олишга сарф қилиб, хорижда ишлаб чиқарилган тўққизта тикув ва бошқа функцияларни бажарадиган замонавий машина ҳамда хомашёга эга бўлдим. Усуналарни ўрнатиб, иш бошла-

дик. Корхонамизда оила аъзоларимиз меҳнат қилмоқда. Асосан, болалар ва ўсмирлар талабига мос кийим-кечаклар тикишга ҳаракат қилаяпмиз. Ҳозирча цехимизда болалар спорт либослари тайёрланаётган бўлса, кейинчалик маҳсулот турини кўпайтириб, ранг-баранг либослар ишлаб чиқарамиз.

Бугун ёш тадбиркор мўъжазгина цех, тикув машиналари ва шартнома асосида ишлаётган буюртмачиларига эга бўлса-да, корхонани янада кенгайтириш, маҳсулот турини кўпайтириш бўйича изланишдан тўхтагани йўқ.

Шавкат КАРОМОВ,
«Turkiston» мухбири.
С.Нарзиев олган сурат.



Буюк япон девори

Японияда цунамилардан ҳимояланиш учун 370 километрга яқин бетон деворлар қурилади. Девор «буюк япон девори» номи билан аталиб, дунёдаги энг катта ва узун девор бўлиши кутилмоқда.

Уни қуриш учун тахминан 8,5 миллиард АҚШ доллари сарф этилади. Маълумотларга қараганда, биринчи бўлиб бундай деворлар Фукусима, Мияги ва Иватэ префектураларида қурилиши маълум қилинган. Ҳукуматнинг бундай режасига аҳоли орасида қарши чиққанлар ҳам топилди. Япон фуқароларининг фикрича, ҳеч қандай девор цунамидан ҳимоя қила олмайди. Бундай катта лойиҳа, факатгина солиқларнинг ошишига олиб келади.

Электр самолёти парвози

Франциянинг «Airbus» компаниясига тегишли бўлган «E-Fan» электр самолёти ўзининг ilk парвозини амалга оширди.

Самолёт Париждан 23 километр масофа узоқликдаги Туссу-ле-Нобл шаҳарчасидан парвоз қилди ва қўшни шаҳарчага қўнди. Электр самолёт винтларини аккумулятор батареялардан куч оладиган электр моторлар айлантиради. Самолёт атроф-муҳитга зарар етказмайди. Янги «Airbus» электр самолёти кабинасида икки киши учун жой бор. Унинг узунлиги 6,7 метр, қанотлари эса 9,5 метр. Унда учини истаганлар икки евро сарф этади. «E-Fan» учувчиларни ўқитиш ва спорт учувчиларини тайёрлаш учун мўлжалланган.

Нафасдан қувват олади

Бугунги кунда қуёш батареялари ва шамол турбиналаридан электр энергияси олишда кенг қўлланилади.

Европа олимлари электр энергиясини эндиликда инсон нафасидан олишни ҳам кашф этдилар. Бунда тақилган махсус «AIRE» ниқоби мобил ва шу каби кичик қурилмаларни электр билан қувватлантириш учун мўлжалланган.

«AIRE» ниқобида кичик шамол турбинаси ўрнатилган бўлиб, ҳар нафас олиб-чиқарганимизда электр энергияси ҳосил бўлади. Қурилмадан фойдаланиш учун уни ўзга тақиш ва унга телефонни улаш kifоя. Мутахассислар янги кашфиётнинг инсон саломатлигига ҳеч қандай зиёни йўқлигини айтишди.

Суратга олиш ҳам касаллик

Дунё тиббиёт олимлари «Селфи» (уяли телефонда ўз-ўзини суратга олиш)га ишқибозликни янги касаллик таснифи деб атаб, беморларни руҳий касаллар деб эътироф этди.

Психиатрларнинг фикрича, бундай беморлар ўзига бўлган ҳурмат ўрнини тўлдириш учун доимий равишда ўзини суратга тушириб, суратларни ижтимоий тармоқларга жойлаш истаги билан яшайдилар. Шунингдек, касаллик уч даражада бўлиб, биринчисида киши бир кунда ўзини камида уч марта суратга туширади, бироқ ижтимоий тармоқларга жойламайди. Иккинчиси — ўткир даражада хасталанган одам ўзини бир кунда камида уч марта суратга олиб, ижтимоий тармоқларга қўяди. Учинчиси — оғир кўриниш бўлиб, фойдаланувчи ўзини тун-кун «селфи»га олади ва бир кунда ўртача олти марта интернетдаги саҳифасига жойлайди. Ҳозирча, янги касалликка даво топилгани йўқ.

Интернет манбалари асосида
Жавоҳир КАРОМАТОВ тайёрлади



ЖИЛВАКОР ТОМЧИЛАР

Мутахассислар фикрига кўра, фавворалар инсон саломатлигига ижобий таъсир кўрсатиб, ҳузур баҳиштади. Қуёш тани қиздириб, чарчоқ пайдо қилдиган пайтларда одамда соя-салқин, баҳаво жойларга борши, сув бўйида ҳайқираётган тўлқинларни кузатиб ҳордиқ олиш истаги пайдо бўлади. Фавворалар ана шу эҳтиёжни қондиради.

Бугунги Тошкент нафақат қадимий обидалари, замонавий кўприклар, кўркама биноларию улкан иншоотлари, балки рангин ва жилвакор фавворалари билан ҳам дунё аҳлини мафтун этиб келмоқда.

Қадим замонларда ҳам подшо-ларнинг саройларида фавворалар бўлган. Аждодларимизнинг бундай мўъжизавий санъат намуналари асрлар давомида асраб-авайлаб сақлаб келинган. Уларни ифлослантирмаслик учун қоидалар белгиланган, қоидага амал қилмаганлар қаттиқ жазоланган.

Кейинчалик фавворалар шаҳар марказларида ҳам бунёд этилган. Улардан инсонлар баҳра олганлар. Мураккаб муҳандислик иншоотларидан бири ҳисобланган бу фавворалар аждодларимизнинг меъморлик санъати нақадар юксак бўлганидан далолат бериб, ўша даврда ҳам бу ерга ташриф буюрган сайёҳлару меҳмонларнинг «ақлини шоширган». Ҳозир пойтахтимизнинг ҳар бир истироҳат боғида, майдонларида, ҳукумат ва жамоат бинолари, олий ўқув юртлари, турли меҳмонхоналар, бозорлар олдида юзлаб фавворалар тароват тўки турибди. Уларнинг акса-

рияти истиклол йилларида қурилди. Қирқдан ортиқ юксак нафосат манбаига айланган фавворалар улғурлиги билан бошқаларидан алоҳида ажралиб туради.

Тошкент фаввораларининг ўзига хос жиҳати шундаки, улар шакл жиҳатидан бир-бирига сира ўхшамайди: бири гулга бурканган маҳобатли дарахтни, бири чўққидай баланд оппоқ алангани, бири она сайёрамизни, бири улкан нилуфар гулни эслатса, яна бири Сангардак ва Жиззах шаршаралари каби кўзларни сеҳрлаб кўяди. Алишер Навоий номидаги академик катта театри, «Саёҳат» меҳмонхонаси, «Туркистон» саройи рўпарасидаги фавворалар «рақс тушувчи» ёки бошқача айтганда, «қуйловчи фаввора»лар, дейилади. Мумтоз ва миллий меъморий аъёнлар муҳасаммашуви ва сувнинг шовуллаши билан мусиқий оҳангларнинг мувофиқлашуви орқали бу фаввораларнинг бадиий-эстетик жиҳатлари ҳамда беадоқ чиройи ёрқин намоён қилинган. Фаввораларнинг мусиқий шоусидан баҳраманд бўлганда, афсонавий мўъжиза ижро этаётган мумтоз мусиқаларни тинг-

лаб, роҳатланасан киши, бир паста бор ташвишларни унутасан. Мармардек тиниқ сувнинг сеҳрли куй остида бир неча метр юқорига кўтарилиб, ёрқин рангли нурларга беланган куйи пастга тушиши қалбларга олам-олам завқу шавқ бағишлайди.

Фаввора ёзнинг иссиқ кунларида ўзининг муздак суви ва тоза ҳавоси билан инсонларга ҳуш кайфият бахш этади. Бу жилвакор томчилар ҳаводаги чанглари тозалайди ва уни мўътадиллаштириб туради. Маълум бўлишича, фавворалардан отилаётган сув ён-атрофдаги ҳаво ҳароратини 3-6 даражагача пасайтира оларкан.

Фан ва техника кун сайин тараққий этиб бораётган ҳозирги замонда фавворалар воситасида сеҳрли мўъжизалар яратиш имкониятларининг чеку чегараси йўқ. Биргина сувости прожектори нурлари воситасида 16 миллион хилдан ортиқ рангин манзаралар яратиш мумкин.

Бугунги кунга келиб бундай фавворалар пойтахтимизнинг ҳар бир гушасида бунёд этилмоқда. Шаҳримизни томоша қилган ҳар бир кишини бу каби бир-биридан кўркама иншоотлар дурлар сочиб қаршилайди. Сув пурқаб турган фавворалар юртимизнинг тинчлиги, кўнгиллар хотиржамлигидан далолат беради. Зеро, тинчлик ва осудалик ҳукм сурган юртгина улкан бунёдкорлик ишларини амалга ошира олади.

Умида ИСМОИЛОВА,
«Turkiston» муҳбири

...нинг оти кўрқоқ эмасдир	АҚШ даги штат	Туя тури
Тиканан гул тури	Оналар кўшиги	Бўй-... гавда
Биринчи дарслик	Мехр-...	Ота бир, она бошқа
Юк кўтариш қурли-маси	3x4 ўлчам-ли расм	...
Чаманни севувчи қуш	Ер шари модели	...
Нафис, нозик
Фото-аппарат русуми	Порт-латувчи снаряд	То абад
Россия валютаси	«... ва Маргарита» (асар)	...
Ўзбек фильми	Лев ... (рус ёзувчиси)	...
Бирлашма	«Қирол Шер»даги образ	...

БОШ СОВРИН — БИЗНИКИЛАРНИКИ

Ҳамюртимиз Тимур Исмоилов Қозоғистоннинг Астана шаҳрида теннис бўйича «Фючерс» туркумига кирувчи халқаро турнирда барча рақибларини ортда қолдириб, бош совринни кўлга киритди.

Финалда Тимур Исмоилов турнирда учинчи рақам остида сараланган беларуслик Ярослав Шилани 6:4, 6:1 ҳисобларида мағлубиятга учратди.

ЎЗБЕКИСТОНЛИК СПОРТЧИ РЕКОРДНИ ЯНГИЛАДИ

Польшада сузиш бўйича ўтказилган халқаро мусобақада ҳамюртимиз Дмитрий Хорлин жорий йил Жанубий Кореянинг Инчئون шаҳрида ўтказиладиган ПараОсиё ўйинлари йўлланмасига эга бўлди. 100 ва 400 метр масофага эркин усулда сузиш мусобақасида олтин медалга сазовор бўлган ушбу спортчимиз мусобақанинг биринчи куни 400 метр масофага сузишда олтин медални кўлга киритиб, Осиё рекордини ҳам янгиллади. Аввалги рекорд натижа малайзиялик Жулиусу Жарандин томонидан 2010 йили Данияда ўрнатилган эди.

ФИНИШГА 2 ҚАДАМ

Бразилияда бўлиб ўтаётган футбол бўйича 20-жаҳон чемпионатида 1/8 финал ўйинлари бўлиб ўтди. Унда қуйидаги натижалар қайд этилди:

Бразилия — Чили 1:1, пеналтилар бўйича 3:2
 Нидерландия — Мексика 2:1
 Колумбия — Уругвай 2:0
 Коста-Рика — Греция 1:1, пеналтилар бўйича 5:3
 Франция — Нигерия 2:0
 Германия — Жазоир 0:0, қўшимча вақтда 2:1
 Кеча тунда Аргентина — Швейцария ва Бельгия — АҚШ терма жамоалари ўртасидаги ўйинлар бўлиб ўтди.

Шахло ДЎСМУРОВА тайёрлади

ЗУККО МУХЛИСГА САВОЛ:

Футбол бўйича 2011 йилги Оснэ чемпионатининг чорак финалида Ўзбекистон Иордания терма жамоасини 2:1 ҳисобида мағлубиятга учратган эди. Ўша ўйинда қайси футболчимиз рақиблар дарвозасига иккита тўп киритган?

Жавобингизни 4 июл соат 16.00 га қадар 233-79-69, 233-95-97 рақамларига кўнғироқ қилиб беришингиз мумкин. Биринчи бўлиб тўғри жавоб йўллаган мухлис номи газетамизда эълон қилинади.

Ўтган сондаги саволнинг жавоби: **Араб тилидан.** Қашқадарё вилоятидан Феруза Аҳмедова ҳамда бухоролик Саидбек Шамсиев тўғри жавоб йўллади.

YONDAFTARCHANGIZGA

Қалб танонинг соҳиби ва доноликнинг ҳокимидир. У танана буйруқ беради.

Сюн-Цзи

Turkiston

МУАССИС:

«КАМОЛОТ»
ЁШЛАР ИЖТИМОЙ ҲАРАКАТИ
МАРКАЗИЙ КЕНГАШИ

Газета Ўзбекистон Республикаси Матбуот ва ахборот агентлигида 2007 йил 19 апрелда № 0242 рақам билан рўйхатдан ўтган.



Бош муҳаррир ўринбосари:
Шукуров
Меҳриддин Эшқобилович

Тахрир хайъати:

Баҳодир Ғаниев, Элмурод Нишоннов (масъул котиб — «Turkiston»), Ирина Кочергина (бош муҳаррир ўринбосари — «Молодёжь Узбекистана»), Елена Калинина (масъул котиб — «Молодёжь Узбекистана»), Рустам Қосимов

Навбатчи муҳаррир:
Юсупов
Рустам
Қўчқорович

Саҳифаловчи:
Рўзиев
Зафар
Хусанович

Газета таҳририят компьютер марказида терилди ва саҳифаланди.

Таҳририят манзили: 100029, Тошкент, Матбуотчилар кўчаси, 32.
Телефонлар:
(371) 233-95-97. (371) 233-79-69
e-mail: info@turkiston.uz

«Шарқ» наشريёт-матбаа акциядорлик компанияси босмахонасида, А-3 форматда чоп этилди. Ҳажми — 2 босма табок.
Корхона манзили: «Буюк Турон» кўчаси, 41.

Индекслар: 203, 3203
Баҳоси келишилган нарҳда.

Буюртма Г-757.
Адади — 6950

Босишга топшириш вақти — 21.00
Топширилди — 22.20
ЎЗА якуни — 20.30

Офсет усулида босилган.